

皇明詔令

四



皇明詔令卷之七

仁宗昭皇帝

辭表請卽位令

永樂二十二年八月十

皇太子令諭文武羣臣軍民耆老人等卿等忠誠存
於憂國而終

天之痛方殷予心覽所陳詞益增哀切繼統之事誠
不忍聞所請不允

再辭表請卽位令

永樂二十二年八月

十二日

皇太子令諭文武羣臣軍民耆老人等省表具知卿
等謂

天位不可以久虛生民不可以無主嫡長在予宜正
大統惓惓陳請至再至三今國有戚四海生民如
喪考妣况予父子情當何如予再惟亮汝之
忠誠汝尙體予之哀懇所請不允

三辭表請卽位令

永樂二十一年八月

十二日

皇太子令諭文武羣臣軍民耆老人等覽表俱知卿
等盡忠國家經慮弘遠

天寶之位誠難久虛今梓宮在庭山陵未復父子天性人心所同據忠雖勤予志已定所請不允

諭禮部具卽位儀禮令

永樂二十二年

八月

大行皇帝上賓遺命眇躬俾承

大統顧在哀痛其忍遽承而宗親文武羣臣軍民耆老四夷朝使咸秉一心奉表勸進卻而復至三四未己國之大計不可以不從人之忠告不可以終拒爾禮部擇日祇令英國公張輔

告

天地定國公徐景昌告

宗廟寧陽侯陳懋告

社稷予卽皇帝位其具儀以聞故諭

登極詔

永樂二十二年八月十五日

奉

天承運

皇帝詔曰朕惟

上天生民爰立君主仁育兆庶咸底於泰和統御華

夷同躋於熙皞我

先皇帝奉

天撫運治化高於百王文德武功聲教被於四海比
緣邊警塵龍御以親征逮及凱旋竟鼎湖之
升遐

遣命神器付予眇躬顧哀疚之方深豈繼承之遽
忍宗親公侯駙馬伯文武臣僚軍民耆老及
四夷朝貢之使俯伏闕下奉表勸進以爲天
望輒之位不可以久虛生民不可以無主長嫡承統
國家常經陳詞再三瀝懇勤切用是仰遵
遺命俯徇輿情已於八月十五日祇告

天地

皇明詩令 卷之十
三
宗廟

社稷卽 皇帝位奉

祖考之洪祐仰

聖神之永圖屬茲莅阼之初宣布維新之命其以明年爲洪熙元年所有合行事宜條列于後

一自永樂二十二年八月十五日昧爽以前官吏軍民人等有犯除謀反及大逆子孫謀殺祖父母父母妻妾殺夫奴婢殺主不赦外其餘已發覺未發覺已結正未結正罪無大小咸赦除之敢有以赦前事相告言者以其罪

罪之

一軍官并旗軍將軍力士校尉舍人餘丁等爲事犯罪發邊遠各處立功及哨瞭等項者盡行宥免復還職役

一軍官爲事犯罪發遣各處充軍養馬種田等項者盡行宥免復職

一軍官有爲事被刑及罷閑者除謀逆外其餘見在者復其原職已故者子孫依例承襲總小旗革役充軍者各復原職

一文武官吏軍民匠作人等有爲事做工及運

磚拖石砌城運糧等項者悉宥其罪官吏復還職役軍還原伍匠仍當匠民放寧家其風憲官有犯贓罪者不復其職放回原籍爲民當差

一文武官員并總小旗有爲事已復職役住支俸糧及半俸者照舊關支

一永樂十九年十二月終以前拖欠虧兌未完稅糧料豆戶口鹽糧及有報數在官而未曾送納者盡行蠲免仍免永樂二十二年戶口鹽糧一年其各處拖欠草束柴炭俱自永樂

二十年十二月終以前盡行蠲免

一自永樂二十二年八月十五日以前遞年虧欠農桑諸色課程倉糧鹽課魚課等項并倒死馬騾驢牛羊虧欠孳生等畜及拖欠蘆柴各處納欠銅鐵顏料蓆麻竹木等物并追賠珍珠等項未納各項贓罰賠追未完段疋等件盡行蠲免

一各處軍民有爲追賠孳生馬疋官府逼迫不得已將男女妻妾典賣與人以致流離困苦莫能自存者詔書到日官司卽爲贖還毋得

托故延緩如子女年長已成婚配不在此例
今後倒死孳生馬疋只照洪武年間例追賠
一天下一應稅課照依永樂二十年以前舊額
徵收不許指以鈔法爲由妄自增添擾害商
民違者罪之

一各處逃移人戶悉宥其罪許於所在官司首
告發回原籍復業免其差徭二年其戶口虧
欠稅糧盡行蠲免

一下西洋諸番等國寶船悉皆停止如已在福
建太倉等處安泊者俱回南京將帶去物貨

仍前於內府該庫交收諸番國有進貢使臣
常回去者只量撥人船護送其去但係內外
所差官員即便回京民匠人等各放寧家
一往迤西撒馬兒罕失刺思等處買馬等項及
哈密取馬者悉皆停止將去給賜段疋磁器
等件就於所在官司明白照數入庫馬駝騾
疋若係官給者仍交還官軍民買辦者仍給
還原買之人所有差去內外官員俱限十日
以裏起程赴京不許托故稽留

一雲南木邦緬甸麓州車里等處採取寶石等

項及收買馬匹等件者悉皆停罷其給賜之物發與差來進貢使人順帶回去但係朝廷官員限十日以裏即便起程赴京官軍各回原衛着役不許稽遲

一各處修造往諸番船隻悉皆停止其各處採辦鐵黎木只照洪武年間例餘停罷

一但是買辦下番一應物件并鑄造銅錢買辦麝香生銅荒絲等物除買在官者卽於所在官庫交收若未買者悉皆停止

一各處買辦諸色紵絲紗羅段疋寶石等項及

一應物料并蘇杭等處續造段疋抄造紙劄燒造磁器採辦黎木板及造諸品海味菓子等項悉皆停罷其差去人員即便回京敢有指此爲由科斂害民者罪之

一各處開辦金銀課除已煎銷見收在官外自今並行停止敢有不遵法度私自煎銷者罪之所差去開辦人員限十日內即便赴京不許托故稽畱但係舊額歲辦課程銀并差發金銀不在此例

一交趾採金採珠及採辦香貨之類悉皆停止

交趾一應買辦採取物件其詔書內該載未盡者亦皆停止所差去內外監督官員限十日以裏起程赴京並不許托故稽留虐害軍民

一各處自爲營造採辦木植如已起程者隨到所在堆垛其未辦者悉皆停止軍民各效寧家所差去採辦官員人等限十日以裏起程赴京毋得托故稽留擾害軍民違者罪之

一浙江福建官臺山烏峯洞等處有等人民因被府縣及開辦官吏逼迫不得已逃奔山林

出沒爲盜詔書到日悉宥其罪令各回原籍
安生業永爲良民

一陝西四川僭運茶課已有起運者卽赴所指
茶馬司交收未起運者悉皆停止

一各處造作除軍需外其餘不急之務盡皆停
罷今後有司非奉

朝廷明文敢有一毫擅自科歛軍民者罪之

一逃軍逃囚逃匠人等詔書到日爲始許一月
內赴官自首與免本罪軍還原伍民還原籍
匠復本業

皇明詩令卷之十一
九
一遞年爲事發去養馬當站及充遞運驛夫皂隸膳夫軍伴之類法司卽便撥替放回爲民不許延緩違者罪之

一被水旱缺食貧民有司卽爲取勘賑濟

一民間一應有事故人戶拋荒田土有司卽爲覈實取勘開報以憑從實除豁另行召人承佃中間如係官田卽照民田例起科

一軍民中有鰥寡孤獨者有司依例存恤毋令失所民年七十以上及篤廢疾者許令一丁侍養不能自存者官爲賑給凡軍民年八十

以上者所司給與絹二疋綿二斤米一斗肉
十斤時加存恤

一孝子順孫義夫節婦許所司保勘明白開具
實跡奏聞以憑旌表

一軍民之中有懷材抱德堪爲任用或屈在下
僚或隱於山林所司薦舉以禮遣送赴京量
才擢用

一凡軍民利病許諸人直言無隱

一凡有貪官汚吏蠹政壞法作弊害民詔書到
後不卽改悔仍前貪虐者許巡按監察御史

按察司即便拿問解京

一自今官吏敢有指以催辦爲由輒自下鄉科
科斂害平民者許諸人首告所司即便拿問
解京

一諸司官員敢有容隱吏卒弓兵阜隸牢子久
占衙門連年不替專一浸潤官長起滅詞訟
說事過錢及稱主文等項名色在各衙門結
攬寫發把持官府虐害良善者許諸人首告
其所在按察司及巡按監察御史即便擒拿
問罪解京

一諸司所問囚犯今後一依大明律科斷不許
深文違者罪之

嗚呼軍民一體愛人必務於寬弘賞罰有經爲國
必彰於明信尙賴文武賢弼中外良臣攄乃
忠貞匡輔不逮用承鴻業隆國家永遠之基
嘉惠羣黎廣海宇昭平之福敷告天下咸使
聞知

尊諡詔

永樂二十二年九月初十日

皇帝詔曰朕惟自古聖君哲后有大功大德者必有
顯號徽稱以表揚鴻美垂萬萬年欽惟

皇考大行皇帝躬膺

天地統御兆民制治保邦隆繼述之大孝篤近舉遠

同覆載之至仁

神武弘廓清之功聖文廣緝熙之化

天地

宗社享於上華夏蠻貊戴於下輿圖充拓曠古所無

泰和融液嘉徵畢至海宇乂寧臻于熙皞欽

惟

皇妣仁孝皇后天稟元聖上配

宸嚴至順以承

天厚德以載物含弘光大端一誠莊隆化理之原篤
宗祧之敬宣明懿範母儀天下

神遊益遠哀慕無窮屬茲繼序之初式舉尊崇之典
謹命文武羣臣稽古禮文議薦謚號大公之
議輿論僉同祇告

天地

宗廟

社稷恭上

皇考大行皇帝尊謚

愷天弘道高明廣運聖武神功純仁至孝文皇帝

廟號太宗

皇妣仁孝皇后尊諡

仁孝慈懿誠明莊獻配天齊聖文皇后於戲惟
神聖配乾坤蓋名言之莫罄惟光華同

日月著尊仰於不忘敷布臣民咸使聞知

冊后詔

永樂二十二年十月十一日

奉

天承運

皇帝詔曰朕惟致理必先正內所以崇王化之基承
統必重建儲所以厚國家之本乃若重建宮

室式以永壯藩維帝王大經典章斯在朕祇
奉

天序君主萬邦故茲臨御之初方切惟新之治念德
澤之未究耿夙夜其靡寧而親王勳臣文武
百辟志存愛國咸懷永圖屢表摠誠請立皇
后建皇太子稽率舊章勉循衆志已於十月
初八日冊立妃張氏爲皇后十一日立嫡長
子瞻基爲皇太子封次子瞻浚爲鄭王瞻墉
爲越王瞻墉爲襄王瞻垌爲荆王瞻塽爲淮
王瞻埜爲滕王瞻埶爲梁王瞻埸爲衛王漢

王嫡子瞻垣爲漢世子次子瞻塗爲濟陽王
瞻域爲臨淄王瞻埤爲昌樂王瞻澤爲淄川
王瞻坪爲齊東王瞻塿爲任城王瞻塏爲海
豐王瞻邨爲新泰王趙王長子瞻坡爲趙世
子次子瞻塙爲安陽王秦隱王庶長子志均
襲封秦王楚昭王世子孟炆襲封楚王蜀憲
王嫡孫友埆襲封蜀王肅莊王庶長子瞻焰
襲封肅王遼簡王世子貴煥襲封遼王伊厲
王庶長子顯煥襲封伊王封蜀獻王之子悅
煥爲永川王孫支埆爲黔江王支壩爲羅江

王代王之子遜炆爲路城王遜燿爲山陰王
遜燾爲襄垣王遜烓爲靈丘王遜王之子貴
焞爲益陽王貴焞爲湘陰王貴熒爲衡陽王
韓憲王之子冲倓爲樂平王濬王之子佶焯
爲武鄉王佶焮爲陵川王佶燭爲平遙王於
戲隆本支以溥於萬 仁厚之風永協雍
熙之化布告天下咸使聞知

求言勅

二十二年十一月三日

朕以菲德繼承大統君臨億兆顧天下之廣
庶務之繁豈一人所能獨理亦惟賴文武賢

臣相與協德共圖康濟矧屬亮陰之際尤加
倚毗之心是以嗣位之初首詔中外旁求直
言此其實意而涉月累旬言者無幾夫京師
首善之地四方之所視法或者人困於下而
不得聞弊膠於習而不知革爲國以得賢爲
重事君以進賢爲忠今居官者或廉貪雜處
賢否無別其何以望治効典兵者或部伍不
實紀律不肅其何以嚴防衛仕者之祿不足
而冗食之員甚衆法吏所尚平恕而罪人或
困於深文推之百司之務夫豈皆適於中近

者如斯何以法遠豈非憲紀不振言路尤壅
夫有功必賞有罪必罰賢者必進不肖者必
退至公之典朕不敢私卿等皆受股肱心膂
之寄無以直言而慮後譴君臣同體於至誠
必有嘉猷輔朕不逮以副倚重賢人君子之
意故諭

諭羣臣修職勅

永樂元年正月十四日

朕惟

天地以生物爲德人君以安民爲任設官分職簡賢
任能所以相承其功朕祇紹鴻圖仰惟

祖宗之創業守成之艱難夙夜惓惓法

天爲治嗣位之初蠲逋負赦有罪不急之務一切停
罷慎選賢良共圖維新之治期與天下安於
太平今天下庶事未盡理生民未盡安斯朕
之責亦爾文武羣臣之責尙勉思之咨爾文
臣六卿掌國庶務布政司受任方隅守令典
羣邑大小庶官各有攸司其竭忠殫慮以安
黎民庶銓選必擇人賦稅必有常禮教必修
明兵政必振舉刑罰必平恕營繕必樽節凡
百政令必勤審度以存恤爲心內外相承興

利除害休息以蕃其生勸課以厚其本興學
勸士以正其俗以成其才必使吾民衣食充
足禮讓成風匹夫匹婦咸得其所斯爲稱職
咨爾武臣都府掌國之軍政都司控制一方
衛所邊圉各有信地其悉力衛國家簡閱訓
練必公必勤紀律部伍必嚴必肅器械必堅
利城堡必脩繕糧芑儲峙必足於用巡邏瞭
望必謹必備使奸宄屏跡吾民安於無事其
要以撫養軍士爲本卹其饑寒念其疾苦用
之於萬全斯爲稱職至於風憲爲朕耳目朝

政缺典吏治得失軍民利害百官有司孰賢
與否悉宜廉察必使官得其人政無不舉人
咸樂生斯爲稱職夫君臣一體上下相須朕
勉於脩德爾尙勵於忠貞弼成治化以躋斯
民於雍熙太和之盛不其偉歟朕代天子民
恪存戒飭不以小人備任使不以浮費傷財
力不以刑罰先教化不以貪黷勞士卒爾尙
體予至意以副職任惟忠足以事君惟仁足
以恤人惟勤則庶事集惟廉則公道存乃若
驕盈縱恣朋比用事貪暴掊剋漁獵吾民或

阿諛務爲容悅庸庸保位無補於時黜陟之
明賞罰之公典章俱在爾其欽哉故諭

南郊詔

元年正月十五日

奉

天承運

皇帝詔曰朕惟君國之道事

天爲大事

天之實恤民爲本我國家

聖聖相承

太祖高皇帝肇基垂統弘靖萬邦

皇月召令

卷之七

上六

太宗文皇帝繼志守成德威廣被天下無事生民久
安六十年於今矣是皆

祖宗功德之盛實原

天地祐祚之隆肆及眇躬獲承鴻緒嗣位以來夙夜

祇愼上惟

天命之重下念生民之艱式嚴昭事庶臻康濟謹於
今年正月十五日恭祀

天地于南郊股肱助相羣工駿奔

三靈交悅百順介祥嘉與臣民均膺慶澤一應合行

事宜條列于後

一農桑衣食之本學校風化之原有司宜加勸課在內從巡按御史在外從按察司巡督毋爲虛文務臻實效

一祀典神祇皆爲保庇生民有司奉祭務在誠敬不許褻慢

一天下嶽鎮海瀆及各處山川社稷等壇帝王陵寢先聖先賢忠臣烈士旗纛城隍祠廟常須潔淨遇有損壞隨卽修理仍禁約不許樵採收放

一軍民之間有孝子順孫義夫節婦合該上司

覆審明白具跡奏聞以憑旌表

一軍民鰥寡孤獨及篤廢殘疾無依之人所司常加存恤依例廩養母令失所

一有廉潔公正賢能幹濟之人未曾出仕或屈在下僚許所在官司薦舉務得真才實行以憑擢用不許徇私濫舉若考驗不中或後犯贓罪原舉之人連坐

一文職官員自永樂二十二年八月十五日以前有犯罪作辦事官及發充吏役承差者並送吏部授職但犯贓罪者不在此例

一武職官員子孫除應襲外其餘子弟果有德行可許才識優長者聽所在官司薦舉以憑取用

一文武官有因公幹在途病故者所在官司卽以禮棺斂遞送還家若在任病故家小不能還鄉官爲依律應付脚力送回母令失所

一官員父母有年七十之上家無丁力去任遙遠不能就養者許其明白具奏放回侍親待親終起復就用不得離職願分祿於原籍支給奉養者聽從其便

一內外文職官員離家年久者許其明白具奏
挨次給假回還原籍省親祭祖

一文職官員年七十之上不能治事者許明白
具奏放回致仕若無子嗣孤獨不能自存者
其有司月給米二石養其終身

一自洪武永樂年間有充軍擺站等項後因保
舉復起爲官或見任病故或以禮去官皆免
其戶下子孫補役見任年七十之上筋力衰
憊亦許引年致仕戶下子孫仍免其軍伍補
役

一天下諸司文武官吏俸給每石折支鈔二貫
五百文近年米價騰湧日用不給除原支本
色米外其餘俸米每石折鈔二十五貫候年
豐糧積再行定奪

一朝廷建置文武官員所以統治軍民其間或
有官非其人不得軍民之心而軍民動輒綁
縛凌辱有傷大體今後凡有害軍害民官吏
被害之人赴合該上司陳告上司不爲准理
許訴於朝不得擅自綁縛違者治罪若受賊
及造反謀逆及逃叛者聽綁縛前來不拘此

例

一城池之設所以禦暴衛民遇有坍塌損壞隨
即脩理合用物料支給官鈔買辦不許因而
生事擾人若有坐視不行脩理從風憲官糾
舉

一工部爲成造軍器遞年坐派各處買辦一應
物件多有未納自永樂十九年以前坐派者
悉皆罷免其二十年二十一年二十二年坐
派者免其一半以紓民力

一各處歲辦蘆柴除前蠲免外自今常額以十

分爲率減去三分每歲止辦七分實納本色
二分其餘五分照依原行折收鈔貫每束收
鈔貫就送所在官庫收貯支用

一廣東珠池及各處官封金銀場并江西饒州
燒造磁器官窑仍前禁止外其各處山場園
林湖池坑冶及果木蜂蜜等件原係民籍曾
經官府採取見今有人看守及禁約者詔書
到日聽民採取不許禁約如有原看守之人
各回職役

一各處逃移人戶詔書至日卽回復業其戶下

遞年拖欠稅糧悉與蠲免仍自復業之後再免稅糧差役二年如乏牛具種子者所司勸諭糧長里長并有力之家互相給助耕種不許生事擾害其有比先私家債負未還者限三年後一本一利交還

一各處全戶充軍并全家死絕抄劄人戶遺下空閑荒蕪田土無人佃種者所司務要設法召人開耕待三年後方徵稅糧不問官民田俱係照本處民田例起科不許重加科擾違者罪之

一各衛所官軍俸糧近年有因水旱等項民間輸納未足倉無儲積以致官軍積欠不得給用詔書到日各府州縣將永樂二十年分拖欠稅糧各照當地時價聽民折納鈔貫布絹頭畜等物就於本處官司收貯仍查勘各衛所官軍遞年未關俸糧明白見數挨次將前項折納物件依原折米數給付官軍收用其支給餘剩之物儲貯別用

一各處勾補軍役已有定例其有委係丁倒戶絕者取具所在官司執結回報衛所卽爲轉

達該府兵部以憑開豁毋得展轉勾攝剝削
無辜亦不許指此爲由一槩將有丁之家徇
私賣放空歇軍伍違者各治以罪

一各都司衛所屯田官軍今後務依原定分數
下屯不許一槩差占失悞農業年終監察御
史按察司比較其間多有艱難辦納子粒不
敷今後除自用十二石之外餘糧免其一半
止納六石

一各處孳生馬疋舊例每年納駒一疋中間多
有駒不及數著令賠補積累年久貧無賠償

多致失所今聽兩年納駒一疋永爲定制若有兩年納駒兩疋者量爲賞鈔以旌其勤

一四川保寧等府所屬茶課其原額官茶自洪熙元年以後者照洪武年間例辦納價買民茶盡行罷免若官倉見積茶數堪中換馬者仍畱支用芽茶依當地時價作官吏俸錢支用其不堪換馬茶葉明白具奏覆驗燒毀免致堆積累民

一各處遇有水旱災傷所司卽便從實奏報以憑寬恤毋得欺隱坐視民患

一旌善申明亭所以勸善懲惡有司亦常加整
點遇有善惡明白書之庶以激勵風俗毋徒
視爲虛文

於戲郊禋致誠所以仰答靈貺陽春布德所以
順體乾元迎導至和蕃育庶品尙資有位咸
懋乃官推其仁愛之誠輔我太平之治詔告
中外咸使聞之

求言勅

洪熙元年三月初七日

朕以眇躬處億兆之御御天下之大機務之
繁殆難獨理是以下詔求言冀匡不逮此朕

之實心也自卽位以來臣民上章以數百計
朕未嘗不欣然聽納言之而當卽與施行苟
有不當未嘗加譴此皆羣臣所共知者間因
大理寺少卿戈謙所言過於矯激多非實事
朕一時不能禁於心而羣臣有迎合朕意者
交章奏其賣直欲置諸法朕特優容令在職
視事不得朝叅而自是以來言者蓋少豈爲
無事可言歟抑懷自全之計而退爲默默歟
今自冬不雪春亦少雨陰陽愆期必有其咎
豈無可言而爲人臣者惟念保身亦何以爲

忠朕之一時不能含容蓋未嘗不自省爾文武羣臣亦各思以君子之道自勉據其嘉議嘉猷凡遇國家軍民利有未興弊有未革及政令有未當者咸直言之勿以前事爲戒而有所諱庶幾君臣相與之義戈謙自明日以後仍舊朝叅故諫

恤刑詔

洪熙元年三月十五日

奉

天承運

皇帝詔曰朕惟承大統爲天下生民之主惟我

皇祖

皇考愛民之仁祇率不怠旦夕思念人命甚重哀矜
庶獄惓惓在懷夫刑以禁暴止邪道民於善
豈專務誅殺哉故律令之制善善長而惡惡
短罰之輕重咸適厥中顧執法之吏不能皆
平有虛飾其情傳致死罪而比附謬妄尤甚
枉人朕甚憫之夫五刑之條莫甚大辟之施
身首異處斯已極矣自今犯死罪律該凌遲
者依律科決其餘死罪止於斬絞法司不許
牽合傳會昧情失實以致冤濫若一時過於

嫉惡律外用籍沒及凌遲之刑法司再三執奏三奏不允至於五奏五奏不允同三公及大臣執奏必允乃己永爲定制文武諸司自今亦不許恣肆暴酷於法外用鞭背等刑以傷人命尤不許加人宮刑絕人嗣續有自宮者以不孝論且人之爲非固有父子不相爲謀者肆虞舜爲君罰弗及嗣文王之世罪人不孥自今惟犯謀反大逆者依律連坐其餘有犯止坐本身毋得一槩處以連坐之法古之盛時恆採民言用資警戒今兇險之徒往

往撫拾誣爲誹謗法吏刻深鍛鍊成獄刑之
失中民則無措今後但有告誹謗者一切勿
治爾中外文武羣臣宜端乃志悉乃心畏
天愛人務崇寬恕庶有以佐朕父母斯民之治有或
違者必罰不貸布告天下咸使聞知

免山東等省稅糧詔

庚子元年四月初

三日

奉

天承運

皇帝詔曰朕承大統主宰天下上惟

天命之重下念生民之艱夙夜憂勞惟恐一夫不得其所屢詔求言冀達民隱而山東諸郡及淮安徐州之境頻歲旱潦年穀無收民有乏於衣食父母妻子不得相濟凍餒呻吟流于道路郡縣之官略不畱意而又有科派之擾豈稱爲民之父母哉可全免今年夏稅其秋糧減半徵收自今年四月以前各衙門一應收買及科派物件除桑穰仍納外其餘未到官者盡行停罷已到官者從實起解不許欺隱若實無見物先已虛報在官者亦不許再科

於民以足其數虛報之罪俱宥不問其郡縣
之官務盡撫輯安養之宜毋縱貪刻以重困
乏庶幾副朕憫恤黎元之意故茲詔示想宜
知悉

纂脩實錄勅

洪熙元年五月初四日

恭惟

皇考太宗文皇帝以元聖大德順

天應人君臨萬邦爲人民之主者二十三年駿揚武

功則載奠

宗社一清寰宇丕顯文教則興脩禮樂崇極治化至

仁侔履載至明均日月上比隆於列聖下儀
範於萬年甫畢

山陵永懷繼述仰惟

實錄未有成書卿等咸逮事

先朝職典斯事往集賢聖博稽簡書協恭纂脩務
盡精懇用宣昭我

皇考聖德大業光華覆被於無窮其以太師英國公
張輔少師吏部尚書蹇義少保兼太子少傅
戶部尚書夏原吉爲監脩少傅兵部尚書兼
華蓋殿大學士楊士奇少保戶部尚書兼武

英殿大學士黃淮太子少傅工部尚書兼謹
身殿大學士楊榮太子少保禮部尚書武英
殿大學士金幼孜太常寺卿兼翰林院學士
楊漣爲總裁所有合行事宜條列以聞欽哉
故諭

遺詔

洪開元年五月十二日

奉

天承運

皇帝詔曰朕以菲德嗣承

祖宗洪業君臨天下甫及踰年上惟

皇明詩集卷之十一
念

皇考太宗皇帝山陵未遠迫切哀誠下惟憫海內黔
黎凋瘵未復憂勞夙夜時用遘疾奄至大漸
夫死生者晝夜之常理往聖同轍奚足悲念
惟

宗社民生必有君主長子皇太子瞻基

天稟仁厚孝文英明

先帝夙期其大器臣民咸欽其令望宜卽皇帝位以
奉神靈之統撫億兆之衆朕旣臨御日淺恩
澤未浹於民不忍復有重勞山陵制度務使

儉約喪制用以日易月中外皆以二十七日
釋服無忌嫁娶音樂在外親王藩屏爲重不
可輒離本國各處總兵鎮守備禦重臣及文
武大小官員亦無擅離職守聞喪之日止於
本處朝夕哭臨三日悉免赴闕行禮

皇考太宗皇帝服制仍遵去年八月之令

嗚呼南北供億之勞軍民俱困四方嚮仰咸屬南
京斯亦吾之素心君國子民宜從衆志凡中
外文武羣臣咸盡忠秉節佐輔嗣君用永寧
我國生民朕無憾矣詔告中外悉使聞知

皇明詔令卷之七

庚辰年八月二十日

詔曰朕聞古之聖王受天而有天下者必先慎乎德德薄而民叛德厚而民歸朕惟恐德之不修而民之叛也故每歲必親耕藉田以勸農夫農者天下之本也民之食也天下之大本也民無食則天下亂矣朕每歲必親耕藉田以勸農夫農者天下之本也民之食也天下之大本也民無食則天下亂矣

皇明詔令卷之八

宣宗章皇帝上

辭請卽位令

洪熙元年六月十七日

皇太子諭文武羣臣軍民耆老人等覽卿等所請謂
予宜欽遵

大行皇帝遺詔早正大位乃心國家具悉誠懇顧方
抱痛終天哀榮在疚繼統之事豈忍遽聞所
請不允

諭禮部擇日具卽位儀令

洪熙元年六

月初八日

洪惟我國家自

太祖皇帝

太宗皇帝統一華夏奠安

宗社逮我

皇考大行皇帝克崇孝理啣哀聽政曾不踰年遺大
投艱於予小子煢煢在疚而親王文武羣臣
軍民耆老及四夷之使累箋勸進拒之不獲
誠念

祖宗創業之艱

皇考遺命之重予其勉循輿情卽皇帝位爾禮部擇

日具儀以聞如令奉行

登極詔

洪熙元年六月十二日

奉

天承運

皇帝詔曰洪惟

天眷國家茂隆景運肇自

太祖高皇帝聖神文武提一旅之衆建萬世之基

太宗文皇帝神功懿德再安

宗社弘靖萬邦

皇考大行皇帝紹承大統奉

天子民體

祖宗之至仁用輯寧於庶類自臨寶位夙夜勞勤甫
及逾年德澤覃霈不幸逸豫奄臻大漸

顧命神器付于眇躬哀慟方殷罔知攸措親王
文武羣臣以至耆老軍民番夷朝使萬衆一
誠累表勸進辭拒不獲仰惟

列聖創守之難俯徇輿情已於六月十二日祇告

天地

宗廟

社稷卽皇帝位爲政所重以德及人其改明年爲宣

德元年大赦天下咸與惟新所有合行事宜
條示于後

一自洪熙元年六月十二日昧爽以前至去年
八月十五日以後官吏軍民人等有犯除謀
反大逆謀叛子孫謀殺及毆罵祖父母父母
妻妾殺夫奴婢殺主謀故殺人蠱毒魘魅毒
藥殺人強盜不赦外其餘已發覺未發覺已
結正未結正罪無大小咸赦除之敢有以赦
前事相告言者以其罪罪之

一自去年八月十五日以後軍官及旗軍將軍

力士校尉舍人餘丁除犯謀叛黨惡不赦外其餘有犯發各處立功贖罪及降黜充軍等項者送兵部查理復其職役

一自去年八月十五日以後文官除犯貪贓及枉法害人命已發落者不宥外其餘有犯充軍吏役承差者悉還吏部量能授官

一自去年八月十五日以後見任文武官員有停罷俸祿者詔書到日仍舊關支

一言路所以廣視聽達民隱自今朝廷政務或有不便及軍民利病或當興革者許人陳言

勿有所諱

一農桑王政之本衣食之原有司宜身爲之勸
務求實効勿事虛文

一安民之道必在守令得人今軍民中有行己
廉正才堪撫字者許見任官具實薦舉朕將
親擇而用之不許徇私濫舉

一學校賢才之所自出必在師範得人今軍民
中有經明行修可充教職者許見任官保舉
而試用之有司常宜加勸勉其生員之家遵
依洪武年間恩例仍優免兩丁差徭俾得盡

一年以前試驗不堪弓箭弦條如已完者就於所在官司入庫如未完者悉皆停罷

一各處孳牧馬驢牛羊等畜及北京所屬衛所見養永樂二十年征進所獲牛羊自洪熙元年六月十二日以前倒死者悉免追賠其征進所獲牛羊今後只令軍衛有司自行提督牧養原差去管養官員人等即便回京毋致重擾軍民

一忠臣烈士義夫節婦孝子順孫事績顯著者有司具實來聞以憑旌表

一鰥寡孤獨及篤癈殘疾有司依律存恤毋令失所有爲事編發爲民種田年七十之上孤獨無人養贍者放回原籍依親

一軍戶有重役者不問三處五處遇有事故如果戶內人丁消耗只併一處勾丁補役其餘悉行開豁及有丁倒戶絕并同名同姓被人妄報連年勾擾者有司從實體勘分理不許徇私作弊害及無辜

一見起在京做工人匠有二丁三丁者放回一丁四丁五丁者放回二丁六丁以上者放回

三丁其單丁應役二年以上者放回休息內有犯罪被刑剜刺已成殘疾者卽與開豁除本身差徭其餘無知小人挾讎妄指平民爲匠者今後有司嚴加禁止違者罪之

一遞年失班及在迷人匠與免本罪卽來赴工依舊輪班如有仍前恃頑不卽赴工者所在官司拿解前來治之以罪

一永樂年間爲事發各處擺站及充遞運水夫有年限已滿未及三年者應替當過三年以上無替者卽便放免其餘役滿未及三年者

法司卽與囚人內撥替若遞年在逃及未赴役者俱免本罪卽赴原發處所應役照限撥替如有仍前恃頑不卽赴役者許所在官司拿解治之以罪

一逃軍逃囚逃匠等項以詔書到日爲始許於一月內赴官自首與免本罪軍還原伍民還原籍匠作人等復還本役

一軍民官有貪虐害民者許被害之人赴合干上司及按察司巡按御史處陳告不許軍民人等擅自綁縛違者罪之

一今後一應罪犯悉依大明律科斷法司不許深刻妄引榜文及請條例比擬

一凡寬恤恩典及合行政務其有開列未盡者悉遵去年八月十五日以後詔旨施行務惇明信祇守不渝

嗚呼

三聖在

天制治保邦大經大法明昭日月垂憲萬年惟篤欽承必誠必信尚賴

宗室親王叔祖叔父協心藩屏鞏固國家暨

內外文武賢臣同德匡輔用臻至治弘建

宗社生民悠久之福詔告天下咸使聞知

尊諡詔

世宗元年七月初三日

皇帝詔曰朕惟聖神之道不可以名言功德之隆必
形諸讚述是以皇有義農之號帝有堯舜之
稱國之典章古今一揆恭惟

皇考大行皇帝稟睿聖之資備明誠之德正位

儲宮二十餘年至孝通於神明令聞孚於遠邇嗣

登大寶寅奉鴻圖體

天之心弘敷惠澤溥昭蘇於萬彙煥寰宇之一新致

理興化惇尚文雅慎脩武事四境無虞天下
歸仁安于熙皞不幸踰歲奄忽

賓天四海兆民如喪厥考嗟予罔極之慟屬茲繼統
之初諒爲敬誠之心敢忘追崇之典謹命在
廷文武羣臣稽古禮文議薦

諡號至公之道衆論攸同乃於七月初二日祇告

天地

宗廟

社稷奉

冊寶恭上

皇考大行皇帝尊謚

敬天體道純誠至德弘文欽武章聖達孝昭皇帝

廟號

仁宗 嗚呼配

天惟德尊

親惟孝光華宣著於萬年繼述尙存於永世布告中

外咸使聞知

尊號照后詔

洪熙元年七月十五日

奉

天承運

皇明詩集卷之八
皇帝詔曰仁政之務親

親爲先禮典所崇尊

尊爲大朕續承鴻業君臨兆庶肆用惇於孝理爰表

正於化原恭惟

聖母輔翼

先朝昭明內政弘六宮之壺範表四海之

母儀

深仁厚德施及眇躬隆鞠育之恩廣訓迪之道飭

勞備至以底成立茲方奉天下之至養則必

極天下之

尊稱謹上

尊號曰

皇太后乃若

宗廟之祀禮重相成德化之行始於夫婦用稽國典
冊封胡氏爲皇后夫國之本在家允屬彝倫
之重上以厚率下庶臻至理之隆布告中外
咸使聞知

纂脩獻陵實錄勅

洪武元年九月

勅諭禮部朕惟

皇考仁宗昭皇帝聰明睿智之聖剛健中正之德廣

大配天地誠孝通神明爰自正儲以至監國
同周文之翼翼夏禹之克勤仁心仁聞天下
忻戴暨登大寶君主萬邦覃霑恩澤淪浹遠
近脩復典禮光華古今雖尊履帝位甫於一
期而振起皇維殆行之幾徧慨升遐之幽遠
抱哀慕以無窮屬此繼承方勉圖於負荷仰
惟謨烈宜著示於儀刑自

皇考仁宗昭皇帝畱守兩京承嗣大位二十餘年
聖德聖政爾禮部悉恭依脩

皇祖太宗文皇帝實錄事例遍行中外悉輯送翰林

院編纂實錄其以太師英國公張輔太子太
保成山侯王通少師吏部尚書塞義少保兼
太子少傅戶部尚書夏原吉爲監修少傅兵
部尚書兼華蓋殿大學士楊士奇少保戶部
尚書兼武英殿大學士黃淮太子少傅工部
尚書兼謹身殿大學士楊榮太子少保禮部
尚書兼武英殿大學士金幼孜太常寺卿兼
翰林院學士楊溥爲總裁夫述先朝之盛典
用垂憲於永世所係甚重勉罄厥誠欽哉

訓迪百官勅

宣德元年正月初三日

皇帝勅諭文武羣臣朕惟君國莫大於奉

天守成莫重於法

祖爲臣之道莫切於忠君而愛人朕嗣承洪業惟

天惟

祖宗付畀夙夜祇敬勵精思治不敢怠寧今肇歲改

元天下一新爾文武羣臣皆

祖宗所簡任以遺朕者其必有以副朕之望攄誠秉

義茂乃嘉猷以輔予德殫厥智慮勤力不怠

以盡乃職爾惟懋哉治民者悉心以愛民治

軍者悉心以愛軍俾咸享樂利用副朕子惠

羣生之意爾惟懋哉端乃心慎乃行務忠厚
以戒刻薄務正直而戒邪枉毋附下以罔上
肆已以虐人毋作聰明亂舊章毋黷貨利壞
名節用光汝績保祿位於悠久爾惟懋哉君
臣相與同德協恭康濟宇內用致太平不惟
我國家有賴爾亦有顯聞於無窮弗是之率
而悖德慢禮縱欲徇私

祖宗賞罰之典具在朕不敢私欽哉毋忽故諭

平漢庶人勅

宣德元年八月二十日

皇帝勅諭伍府陸部都察院等衙門今朕親率陸軍

皇明詩餘卷之八
十二
於八月二十日討叛至樂安州圍城賊衆乘
城連舉銃砲我軍並無所傷六軍一呼城中
震懾至二十一日賊首高照見兵威嚴重惶
懼無措出城被擒其餘不戮一人秋毫無犯
其特諭爾等知之城中守備尤宜嚴謹不可
怠忽故諭

問罪漢王詔

宣德元年八月二十二日

奉

天承運

皇帝詔曰我祖宗開創洪業封建親藩所以鞏固國

家永安

宗社朕以天叙嗣承大統惇厚親親至於漢王高照
事以叔父未嘗違禮

天地人民所共臨鑑而彼包蓄禍心積有年歲昔我
皇祖太宗皇帝覺其潛懷異圖削兩護衛徙至樂安

州

皇考仁宗皇帝友愛之誠比隆虞舜而乃終背大恩
以德爲怨今者無故招聚無賴授以兵器驅
掠良民垛充軍士搶奪軍民馬疋擅放有司
囚繫強盜縱其爲惡給與賞賜暗結都司官

及軍衛有司官吏生員人等專賞與金銀等物除指揮王斌知州朱恆爲太師都督尚書等官其餘各授以職散旗于真定等衛軍官爲號潛結北京官員軍民俾爲內應其他奸謀不可枚舉遂至北京官員軍民山東三司衛府州縣衙門官吏人等及其護衛親信軍校並被害軍民五百餘人奏發其事朕以至親初未之信及差百戶陳剛齋本至京誣罔先帝爰及朕躬假此弄兵聲言犯闕乃究多人之言具有成迹實欲妄覲大位謀危

社稷流毒生靈春秋之法人臣無將將則必誅其不軌如此罪奚可容朕以

祖宗付托之重國家生靈之計不得已親率六師往問其罪師臨其境尙擁烏合之衆敢行拒抗賴

天地眷祐

祖宗之靈罪人卽得朕以親親之故不忍棄絕令同宮眷居於北京以全始終之恩其餘同惡者明正典刑脅從者咸釋不問今已班師嗚呼管叔流言成周致辟淮南作孽自闕其躬大

義不私於所親至仁尚從於寬典詔告中外
咸使聞知

申戒羣臣勅

宣德二年正月初四日

皇帝勅諭文武羣臣朕祗承

天命統御天下亦惟文武羣臣相與協恭用臻至理
夫所治天民所相天工其大經大法皆

祖宗建置永爲欽承罔敢踰越惟爾羣臣執德以廉
爲要廉者法之公而政得其平治人以仁爲
本仁者施之厚而下得其所忠以奉國敬以
勤事古之良臣率由斯道其勛之哉爾克

道尚慎乃終有或違者務改厥行庶熙汝績
用永嘉譽其曷之哉爾不恭命而能者或惰
違者益肆明有國法幽有鬼神可不戒歟欽
哉毋怠故諭

元宵弛禁勅

宣統二年正月十二日

皇帝勅諭文武羣臣朕恭膺天命嗣承大位仰惟
祖宗創業逮守成之艱夙夕兢惕一遵成憲以撫天
下賴

上天垂祐海宇清寧雨暘時順年穀遂成嘉與臣民
共享太平之樂今歲維新上元屆節特賜百

官假十日凡有機務重事封進來聞在京軍民如故事張燈飲酒爲樂伍城兵馬弛夜禁但戒飭官員人等不許因而生事違者罪之永爲定制故諭

勅諭羣臣官員尊崇佛教勅

宣德二年

三月二十二日

朕惟

佛氏之興其來已遠西土之人久事崇信其教以空寂爲宗以普度爲心化導善類覺悟羣迷功德之著無間幽顯有能尊崇其教以導引天

下指其昏迷嚮慕善道強不至凌弱大不至
虐小息爭鬪之風無侵奪之患上下各安其
分長幼各遂其生同歸於仁壽之中同安於
太和之世上足以輔翊皇度下足以勸善化
俗功德所及豈不遠哉今特頒勅鞏昌府漳
縣出藏寺護持所在官員軍民人等務要各
起信心尊崇其教聽從本寺刺麻榦節兒巴
等及僧人自在修行不許侮慢欺凌其常住
一應寺宇田地山場園林財產孳畜之類諸
人不許侵占騷擾庶俾佛教興隆法門洪振

皇明詩餘卷之八
而一方之人亦得以安生樂業進脩善道若
有不尊朕命不敬三寶故意生事侮慢欺凌
以沮其教者論之以法故諭

降誕皇儲詔

宣德二年十一月十五日

奉

天承運

皇帝詔曰朕以菲德祇膺洪圖惟

祖宗創業之艱難惟今日守成之匪易致勤夙夜罔

敢怠寧億兆之繁殫心於和輯

宗社之重永念於繼承善慶有源祥應茲協陽德初

復長子肇生家邦之本尤隆中外之心咸屬
宜施霈澤覃被多方今大赦天下所有合行
事宜條示于后

一自宣德二年十一月十五日昧爽以前官吏
軍民人等有犯除謀反大逆謀叛子孫謀殺
及毆罵祖父母父母妻妾殺夫奴婢殺主謀
故殺人強盜人命不赦外其餘已發覺未發
覺已結正未結正罪無大小咸赦除之敢有
以赦前事相告言者以其罪罪之

一各犯人名下自宣德二年十一月十五日以

前見追未完者侵盜糧草及一應贓物詔書
到日悉皆免追

一逃軍逃囚逃匠人等自詔書到日爲始限兩
箇月以裏赴官首告與免本罪軍還原伍民
還原籍匠復本業

一各處人戶自宣德二年十一月十五日以前
在逃者詔書到日爲始限三箇月之內赴所
在官司首告與免本罪各回復業戶下遞年
所欠錢糧等項盡行蠲免仍免差役一年有
司官吏糧里人等撫恤不許取索錢債爲由

因而生事擾害違者罪之

一軍民中有鰥寡孤獨者所司依例存恤毋令

失所

一各處稅糧鹽糧除宣德二年以前未完者照例徵收其宣德三年稅糧以十分爲率蠲免三分

一自宣德二年十一月十五日以前遞年拖欠諸色課程鹽課茶課各處孳牧虧欠倒死馬騾驢牛羊等畜官軍騎操領養馬騾驢牛羊隻倒死者及遞年拖欠蘆柴納欠銅錢顏料

明倫彙編 家範典 卷之八
膠漆竹木等物追賠未完段正等件盡行蠲免

一自洪熙元年六月十二日以後宣德二年十一月十五日以前軍官及旗軍將軍力士校尉舍人餘丁除犯反叛黨惡不宥外其餘有犯發各處立功哨瞭及充軍等項者並送部查理復其職役官調衛所

一自洪熙元年六月十五日以後宣德二年十一月十五日以前文官有犯發充軍吏役承差者悉送吏部量才授職犯贓罪者不在此例

一自宣德二年十一月十五日以來見任文武官員總小旗有因事停罷俸糧者詔書到日如舊關支

一軍民中有男婦八十以上者詔書到日所司仍給絹一疋綿布一疋綿一斤酒一斗肉十斤米一石

一文武官員虐害軍民許被害之人依大明律自下而上陳告如有司不理許赴按察司巡按御史處告理如有冤抑方許指實赴京伸訴不許擅自鄉縛違者罪之

於戲承序以長用昭萬世之傳推德及人弘敷
四海之福故茲詔示咸使聞知

立皇太子詔

宣德三年二月初六日

皇帝詔曰朕承天序祇奉寶圖惟

祖宗積慶之隆衍本支於至盛惟帝王統理之道建
儲副以爲先長子祁鎮日表英明天資端重
比者親王文武羣臣合誠奉表請立東宮至
再至三言之切至恭承

皇太后聖訓國家大經宜徇衆議今以冊寶立祁鎮
爲皇太子夫崇建元良所以重萬年之統豫

定國本所以係天下之心詔告臣民咸使聞知

廢后立后勅

宣德三年二月十二日

皇帝勅諭比者皇后胡氏自惟多疾不能奉承祭養重以無子固懷謙退上表請閑朕念夫婦之義拒之不從而陳詞再三益加惓切已從所志就閑別宮其稱號服食侍從悉如舊貴妃孫氏昔

皇祖太宗皇帝選嬪于朕十有餘年德義之茂冠于後宮實生長子已立爲皇太子羣臣咸謂春

皇明通志卷之八
秋之義母以子貴宜正位中宮屢陳表奏今
允所請冊貴妃孫氏爲皇后爾禮部其具儀
擇日以聞

恤刑詔

宣德三年二月十六日

皇帝勅諭三法司朕惟聖人制刑罰用昭天討以弼
治化刑罰當則天道協和人心悅服家國天
下並受其福否則感傷和氣災沴百出是以
古者帝王必慎簡刑官我國家稽古爲治三
法司刑部掌邦憲都察院兼理刑名大理寺
審理輕重自

祖宗以來慎重人命務在欽恤朕嗣承大統祇奉舊
章不敢以喜怒爲法輕重期與天下同躋仁
壽比聞刑罰失當無辜者嚙冤有罪者倖免
朕爲惻然不遑寧處咨爾法司夫檢邪者利
口柔良者寡訥惟言是稽情僞不辯此其可
乎玩愒歲月溺於安逸囚繫瘦死恬不爲意
此其可乎不諳律意不察人情移情就獄苟
且文書此其可乎或畏權豪徇其請托或念
恩怨從而報復或播弄刀筆輕重人情或恣
肆捶楚鍛鍊成獄甚至貪圖賄賂顛倒是非

誣陷良善縱肆奸惡略無畏憚此何心哉一
夫不獲時予之辜一人稱冤百姓驚駭朕惟
重刑簡爾賢良惟體朕心同諸厥職

天地神明昭鑑在上善惡之報捷於影響爾惟恭朕
命惕然警省追改前愆公道惟心以愛人爲
本廉以持身勤以爲事不惟國家有賴爾亦
永保祿位貽福子孫爾不恭命明有國法幽
有神譴爾其欽哉勿貽後悔故諭

戒諭禮曹勅

宣德三年三月初四日

皇帝勅諭禮部朕惟聖人興禮樂以昭神化以正民

彝故致治之道於斯爲盛朕以菲德承

祖宗付畀之重主典神人表正萬邦而禮樂尤爲切
要尙體予懷以諧爾職至敬可以格天地享
鬼神爾弼成之天下國家之本在身正心以
正朝廷正朝廷以正百官正百官以正萬民
爾弼成之期於明德致君洞達幽明天地以
位萬物以育九有寧謐四夷咸賓則我國家
隆興萬世亦有聞於永久至若學校之政所
以立教興賢必求其實効旌表孝節所以敦
勸明俗必求其實行尙率乃屬夙夜匪懈用

圖成績以昭我國家文明之盛毋循習故弊
廢事瘵官以負朕委任之意欽哉故諭

戒諭吏曹勅

宣德三年三月初四日

皇帝勅諭吏部朕惟人君主宰天下生民之衆政務
之繁必簡賢才與之共理其銓選之法殿最
之方必屬有司以盡至公我

祖宗稽古建官選任賢良厥有成憲朕嗣大歷服率
由典章不以私昵干名爵不以小人間君子
招徠善類以安兆民庶幾輔成之効比隆前
古咨爾吏部實典銓衡夫官不必備貴在得

人諸司官員舊有定額今事不加多而額外
添註紛紛倖位苟祿偷安其可不革正乎吏
員出身雖有定格往時選用嚴慎受官者少
比年吏典考滿者歲以千計不分淑慝一槩
收用廉能幾何貪鄙塞路其可不精擇乎數
詔求賢期得實才與共治理而各司所舉不
論才德或以親故或以貨利徇私濫保假公
濟欲其可不覈實乎官之考滿績最者陞有
貪污無恥罷軟無能苟積歲月均得超用何
以辯清濁職之大小必量才稱任或以權貴

之言或緣親舊之故不量所能悉授美職何以別賢否惟公惟明用人之道書曰舉能其官惟爾之能稱匪其人惟爾不任爾其懋哉蓋庶官之賢否政治之盛衰關生民之休戚朕既付爾以銓選之任所選者君子斯庶政又安民受其福有利於國家所選者小人則庶事隳廢民受其殃歛怨於朝廷爾其慎哉君以得賢爲本臣以進賢爲忠敬之敬之庶幾明良相與共致太平之盛故諭

戒諭戶曹勅

宣德三年三月初四日

皇帝勅諭戶部朕惟國以民爲本以財爲用地官卿
實掌之夫民衣食實本乎農業種藝以時則
地無遺利遊食有禁則務本者多庶家給人
足禮教可興比者野不加闢民或流亡爾當
明夫休養生息之道財賦資國之用出入有
節則國不致於空匱調度有方則民不疲於
轉輸京師充實足以馭四方郡邑充實足以
備荒歉邊境充實足以禦外侮比年遠近困
於轉運而京師不足爾當審夫措置之宜倉
廩所儲爲奸盜竊常數萬計豈無關防之術

爾宜審之遣官催糧往往在外貪濁豈無廉
公可使爾宜審之商販之徒阻滯鈔法累累
禁約或通或塞而斂散之方何者爲宜爾宜
審之朕嗣大統董正治官富民足國尤爲切
要書曰政在養民傳曰生之者衆食之者寡
爲之者疾用之者舒則財恆足爾當謹率其
屬以倡民牧俾吾民家有餘資人尙廉恥以
弼予雍熙之治庶幾明良相成之美欽哉故
諭

戒諭工曹勅

宣德三年三月初四日

皇帝勅諭工部朕惟工部掌天下百工山澤之政令
度民力因地利順天時以成國家之務夫天
地生人雖有貴賤之分而好逸惡勞情無不
同過用人力則不堪命惟以身體人用人之
力如己力斯民不病焉國家用度皆出於民
過用於上必過取於下財匱民貧何以爲國
惟以身體國用民之財如己出斯財不竭焉
凡所興作審度緩急爲之節制以息民力以
紓國用斯爲良哉古者役民於農隙當思用
之以時古者山林川澤厲禁當思取之有制

今天下工匠數倍

祖宗之世而畏避死亡者日多當思撫綏愛養之道
至若屯田水利之政皆有成法比年因循廢弛罔聞實効當思舉興作養之方爾其懋哉
夫侈用傷財培尅之端屬民徇欲歛怨之階
書曰民惟邦本本固邦寧節財所以愛民愛
民所以治國大臣之職以道事君尙率爾屬
惟公惟清輔于予治庶幾明良相成之美爾
惟欽哉故諭

處置王府差人勅

宣德三年八月二十

勅禮部凡各王府差來進表及奏事內官內使人等
至京其表文奏本物件俱送司禮監收貯待
奏差來之人聽候回發落禮部如例給與下
程故諭

征胡班師詔

宣德三年九月十五日

奉

天承運

皇帝詔曰恭

天撫民固無華夷遠邇之間除殘去暴本於帝王仁

義之心故拔稂莠所以育苗而斬蛇虺爲其
傷物善善惡惡明王所同朕嗣

祖宗之洪圖主萬邦之兆庶志存康濟夙夜惟勤以
殘胡尙爲邊患爰及農隙躬歷疆陲飭勵將
士嚴固防守九月初二日駐師石門遽得邊
報胡寇數萬南侵豕突獸奔以迫近境朕躬
率鐵騎三千馳赴之將士比力協心咸奮一
當百斬馘虜首萬餘級擒其酋長百餘人徑
擣其巢穴盡獲其人口兵器馬疋牛羊輜重
不可勝計腥羶蕩滌邊境肅清遂班師振旅

於戲稔惡弗戢醜虜何遁於天誅威武載揚
嘉兵豈予之所志庶幾攘夷之績用副保民
之心詔告中外咸使聞知

皇明詔令卷之八

皇明詔令卷之九

宣宗章皇帝下

上元節假勅

宣宗四年正月初一日

朕荷

天地

祖宗眷祐嗣位以來四方萬國恪共職貢邊境寧謐
寰宇肅清時和歲豐民物康阜亦爾卿等盡
心匡輔以臻于治正宜共樂太平茲歲事維
新上元節屆特賜百官節假自正月初一日
至二十日飲酒爲樂凡幾務重事其具本封

皇明言令卷之六
進官員軍民悉如故事張燈五城兵馬弛夜
禁不許一槩人等因而生事違者罪之卿等
其體朕意故諭

戒濫差擾民勅

宣德四年五月二十日

皇帝勅諭六部都察院朕惟爲國以民爲本民安則
國安朕嗣承

祖宗大統君主天下孜孜夙夜以安民爲心至於國
家用度有不得已取之於民者朕尤惓惓軫
恤民艱爾六部都察院爲國大臣常秉愛君
愛民之心俾有益於上無怨於下庶幾不忝

祿位之重比聞中外奸弊紛然嗟怨盈路皆由爾等不體朕恤民之心遣人在外肆行剝削如朝廷取用物件或買辦或徵收動輒差官數員於州縣坐併一起未回又差一起其差去官員又各有幫虎十數爲之鷹犬漁獵以一科百以十科千箠楚頻繁民不勝其毒害所取民物百分之一納於公家餘剩悉歸於私室人之困苦日益月增原差衙門非不知之實縱其所爲風憲耳目非不聞知亦各不糾舉仁人君子有忠君愛國之心者忍爲

之哉自今爾等尚滌心悔過以革前弊朝廷
有緊要重事方許慎選廉公幹濟官員出外
催辦其不急之務再不許朦朧一槩差貪婪
暴虐之人在外假公營私擾害良善如有復
蹈前非并犯人一起處以重罪巡按監察御
史及按察司官仍暗行體察不問中外官員
但有騙要財物及害民事件明白具實奏聞
如御史按察司官坐視不言事發一體治罪
不恕故諭

平刑勅

宣德四年五月二十八日

皇帝勅諭天下布政司按察司及巡按監察御史

朕荷

天命嗣承

祖宗洪業爲天下生民之主夙夜孜孜惟以保民爲
心而比歲以來田里小民負苦含冤赴京陳
訴者日以百數十計究其所由皆始於州縣
官不得人之故蓋小民爲吏卒人等及富豪
勢家侵損凌虐不能自存故訴於縣縣受賄
賂反以枉爲直以是爲非及淹禁歲月致冤
抑之人駢死無辜而後之被害者遂徑赴京

師違例越訴但求雪冤忿雖死不恤京師詞訟之繁皆由於此夫理訟之道但推究其情實枉者必直之犯者必罪之罪一人而百人懼將見橫民自戢良民自安訴訟自簡官府亦自然政平而刑清矣已令都察院榜諭中外有越訴者必加之罪今特諭爾等宜悛改前弊務去惡而衛善鋤強而扶弱如復不改致無理者肆虐不已被害者歸怨朝廷則國典具在罪不可逃且方岳總郡縣之政風憲係耳目之寄近朝廷遣人於外徵收買辦合

用物件所遣之人惟務背公營私以肥身家
威驅勢迫貪婪無厭小民受害莫能控訴方
岳風憲之臣悉不以聞揆之於法罪豈可容
其已往者姑置不問今不論中外官員人等
公差在外敢有仍前貪虐害民者爾布政司
按察司巡按監察御史並具實跡密封奏聞
如仍前坐視民害緘默不言一體治罪不恕
故諭

優免軍戶丁差勅

八日

勅諭天下衛所軍士拋離鄉土在伍務要治辦軍裝等件艱難自今後凡是軍戶每軍一名優免其原籍戶下一丁差役若在營有餘丁亦免一丁差使令其專一供給軍士盤纏庶不失所爾等其欽承朕命毋怠

貢白鳥進賀諭羣臣勅

宣德四年七月

十二日

比者廣東進二白鳥卿等上表稱賀以爲朕之孝誠感茲瑞應夫祇敬

祖宗恭養

聖母皆職分當然何足爲德感瑞之云良增懷愧朕
涼薄上念

祖宗付托之大下念生民屬望之衆夙夜兢兢弗勝
負荷賴爾文武羣臣同心同力贊輔不逮庶
幾平治之世今靈物之臻實荷

天地鑑格

祖宗垂慶之所致也然古之君臣因祥致微卿等尙
益殫乃心相與輯寧兆庶永安家邦用答

天與

祖宗之眷佑同享太平無窮之福欽哉故諭

禁差正官勅

宣德四年十月初四日

皇帝勅諭天下都司布政司按察司及巡按監察御史朝廷建置三司及軍衛府州縣有正有佐正者總其綱佐者輔其政如政務繁殷則佐貳分理正官總督之庶幾紀綱不紊而事畢舉昔我

太祖皇帝

太宗皇帝

仁宗皇帝皆命諸司毋得擅差都司布政司按察司及軍衛府州縣正官掌印正官朕嗣位之初

亦已申舉舊章令遵守毋違近年以來爾等
欽差內外官員故違舊制遇有事務輒委三
司及差軍衛府州縣正官掌印官幹辦更不
思正官掌印官所總之事非一又或各衙門
官有廉能者輒坐名差委亦不思所委止是
一事一事雖完而誤衆事其各衙門官有不
才者亦喜得別差以避繁就簡往往差委俱
盡別委千百戶及陰陽醫學等官或吏員人
等護印署事吏肆其奸人受其害官府政務
十誤八九以致軍匠累年不清稅糧累年不

完原爾等所犯法難容恕今姑記爾等之罪
勅至但是三司及軍衛府州縣正官掌印官
見被差委在外造辦及幹辦者卽令回任管
事不許稽遲自今一應辦理其內外官員並
不許指以欽差爲由輒自差委正官掌印官
及坐名差遣違者悉處重罪凡各衙門官吏
或有貪虐苦害軍民及開葺誤事者爾等卽
具實奏聞以憑黜罰欽承朕命毋怠毋忽故
諭

禁差正官勅

宣德四年十月初四日

皇帝勅諭五府六部都察院通政司六科給事中朝廷建置都司布政司按察司府州縣官有正有佐正者總其綱佐者輔其政如政務繁則佐貳分理正官總督之庶綱紀不紊而事畢集我

太祖皇帝

太宗皇帝

仁宗皇帝皆命在京諸司毋得擅差三司及軍衛府州縣正官掌印官朕嗣位之初亦已申舉舊章誠勵諸司近年以來率不

遵守遇有事務輒朦朧差委正官掌印
官出外幹辦更不慮正官掌印官所總
之事非一又或各司府州縣官有廉能
者輒坐名差委亦不思所委止是一事
一事雖集而誤衆事所成者少所誤者
多其三司軍衛府州縣官有不才者喜
得別差避繁就簡往往差委俱盡別委
千百戶及陰陽醫學等官或吏員人等
護印署事吏肆其奸人受其害官府政
務十誤八九致使軍伍累年不清稅糧

累年不完原夫弊之所起寔自在京諸
司其初文書行移皆經通政司六科而
互相蒙蔽緘默不舉既往之失姑記不
問自今五府六部都察院但有行移在
外三司軍衛府州縣催辦事務悉令聽
本衙門自行分官辦理在京諸司並不
許輒差其正官掌印官及坐名差官者
悉處重罪其通政司六科不糾舉者罪
同夫爲臣之道當推公正之心上遵成
憲下體人情毋專一己之便毋視一事

皇明宣宗
卷之九
之利庶副朕建官圖治之意欽哉故諭

出郊閱武勅

宣德四年十月十九

日

皇帝勅諭五府六部等衙門朕賴

天地

宗眷佑文武之臣盡心乃職以致四海清寧

軍民樂業今將閱武郊外而諸將整搦
軍馬扈從六部等衙門各令堂上官一
員帶領官一員隨侍前去特命豐城侯
李賢都督蔣黑兒掌戶部事太子太師

郭資兵部尙書張本都察院右都御史
顧佐居守北京凡一應大小之事須用
措置得宜纖毫不可怠忽或遇有緊急
機密重事務同心計議亭當隨卽施行
仍差人星馳具奏不許遲緩如遇外夷
使臣來朝須同太監楊英等計議管待
亦星馳奏報爾等務要晝夜盡心十分
詳慎以副朕委任之重故諭

燈節假勅

日

宣德五年正月初二

上天眷祐

勅諭文武羣臣今四方寧謐邊境無虞年穀豐登軍民安適海內海外罔不悉臣此皆

祖宗垂福及爾羣臣贊輔所致茲歲事肇新上元節屆正當相與同樂治平自正月初二日爲始賜百官節假至本月二十日遇機務重事具本封進官員除齋戒外餘日及軍民人等悉聽飲酒爲樂京師如故事張燈五城兵馬弛夜禁尙各循禮度用副朕懷有因而生事者罪之故

諭

考察軍職勅

宣統五年二月初二

皇帝勅諭天下都司按察司及巡按監察御史
朕惟兵政國之重務得其人則其政舉
不得其人必鮮克有濟今所屬衛所指
揮千百戶鎮撫有公廉幹濟能整搦軍
馬者有老幼殘疾不能任事者勅至爾
等卽列姓名來聞其中若有貪婪不才
虐害軍士者卽從訪察開具實跡奏聞

遇有總兵及鎮守官去處務會同整理
庶幾用人不混兵政不隳若徇私不公
訪察不實國有常憲其欽承朕命毋怠
故諭

誕日給宴勅

宣德五年二月初九

日

朕今初度之旦上念

劬勞大德允切於心幸侍

聖母皇太后洪福萬年每當茲辰奉觴稱慶伸婉愉
之誠致天倫之樂必在從容以愜所志爾文

武羣臣應安者悉於光祿寺給宴物自今悉
准此例故諭

寬恤勅

宣德五年二月二十日

皇帝勅諭六部都察院朕恭膺

天命嗣承

祖宗鴻業夙夜孜孜保民圖治每食則思下人之饑
每衣則思下人之寒心存民瘼未嘗忘之今
春氣方和須行寬恤之令條示於後其速行
之爾六卿大臣與國同休爲德爲民務盡乃
心如政令有所未當者朕慮有所未周者尙

審思列奏都御史任耳目之寄亦宜博訪以聞庶用副朕恤民之意欽哉故諭

一宣德四年各處有經水旱蝗蝻去處速行巡按御史按察司委官從實體勘災傷田土明白具奏開豁稅糧坐視不理者罪之

一宣德三年以前官員軍民有倒死馬騾當追賠者及軍民有虧欠孳生馬匹者悉免追賠

一宣德三年以前軍民有拖欠柴炭草束者盡行蠲免

一各處百姓近因饑窘逃移他處者速行各布

政司按察司及府州縣招諭復業仍善加撫恤免其戶下稅糧及雜泛差徭一年

一除造軍器及軍需買辦外其餘營造等事各處買辦採辦顏料生漆等物工部速行有司其已買辦在官差人運赴京庫交收未辦者盡行停止其差去買辦採辦官員人等卽令回京不許畱滯擾民

一朝廷所用之物各有土產去處今後凡遇買辦只於土產去處收買如收買數多量免其他差役以優恤之不許一槩分派於不出產

去處收買科擾害民違者罪之

一各處舊額官田起科租稅既重農民弗勝自
今年爲始每田一畝舊額科糧自一斗至四
斗者各減十分之二自四斗至一石以上者
各減十分之三永爲定例

一遞年在京做工人匠多有逃者蓋因管工官
作頭人等不能撫恤又私縱強壯者不令赴
工但辦納月錢入已并冒關其糧賞却令貧
難者常川做工又逼索其財物受害不已安
得不逃及差人勾取差去官員人等苦害之

逼取財物工匠受害獎非一端自今工匠一
戶有二丁者令一丁放免四丁者二丁赴工
二丁放免六丁以上俱准此例單丁者與別
戶朋合聽其一年或二年相輪代替不得以
失班例論罪如遇大營造暫借撮工者計其
用工月日准後班次用工之處常差監察御
史給事中點開考其工程有仍前作獎者就
行執奏究治庶革宿弊下得均其勞逸上不
虛費糧賞

一工匠有年老殘疾戶內無力者保勘明白卽

與分豁

一遞年逃匠往往有懷挾私讎妄指平民爲匠所司不與分豁民受其害者多有未分豁者工部法司卽與分豁仍行禁止有再犯者重罪不恕

一各處衛所有司倉廩官攢斗級交通糧戶私下包納虛出實收作弊百端今後監察御史按察司往來巡視但有作弊就便拿問

一理刑之官惟公與明使有罪不得以苟免無罪者不陷於冤抑庶幾稱職比聞法司嚴刑

之下何獄不成若有罪而縱之則凶人益肆
無罪而枉之則善人何恃且贓污士之極醜
無斯行而加斯名卽奔終身豈當不念自今
以爲戒必明必公必詳必謹庶副朕欽恤之
意

忌辰輟朝勅

宣統五年八月二十四日

皇帝勅諭禮部朕嗣承

祖宗大位夙夜祗惕慮弗克勝忽遇忌日重懷愴感
仁宗淳皇帝

淳皇后崇善慶之源其忌日官員朝參輟奏事

太祖高皇帝

孝慈高皇后大開創之業

太宗文皇帝

仁孝文皇后隆中興之功

仁宗昭皇帝光繼統之治忌日悉輟朝叅歲爲定例

用伸朕永慕之誠其敬承之故諭

仁祖淳皇帝

四月十六日愍忌

淳皇后

四月十六日生忌

四月十一日愍忌

太祖高皇帝

九月十八日生忌

五月初十日愍忌

孝慈高皇后

七月十八日生忌

八月初十日愍忌

太宗文皇帝

四月十七日生忌

七月十八日愍忌

仁孝文皇后

二月初九日生忌

七月初四日愍忌

仁宗昭皇帝

九月二十一日生忌

五月十二日愍忌

追奪賊犯誥勅

宣德五年五月初四

日

朝廷誥勅本用褒勉臣下盡心職事與奪都要的當
凡受誥勅的其未受之先曾犯賊罪已經赦
宥悉皆追奪若受誥勅之後犯賊罪雖經赦
宥亦皆追奪永爲定例故勅

差內官按行河泊所勅

宣德五年五月

二十二日

勅直隸應天鎮江等府州縣並湖廣浙江等都司布
政司今遣內官吉祥等前來爾等可差委的

當官員同去着落所屬河泊所於河江內採取魚隻等項製造物件來合用裝盛箱簍扛索等件就於所在官司造辦合用裝載船車人夫經過軍衛有司付并差人管送務要軍民安妥官無勞擾敢有因而生事妄行科歛及虐害軍民騙要物件者一體論罪不輕故諭

戒諭鍾况勅

宣德五年五月二十日

國家之政重在安民安民之方先擇守令朕臨御以來孜孜夙夜保民爲心比歲田里之民鮮得

其所究其所自蓋守令匪人或恣肆貪刻剝
削無厭或闖茸慵懦坐視民患相爲蒙蔽悉
不以聞致下情不得上通上澤不得下施今
慎簡爾等付以郡寄夫方千里之民安危皆
係於爾宜體朕心以保養爲務必使其衣食
有資禮義有敎而察其休戚均其徭役興利
除害一順民情毋徒玩愒毋事苟簡毋爲權
勢所脅毋爲奸吏所欺凡公差官員人等有
違法害民者卽具實奏聞所屬官員人等作
弊害人爾就提下差人解京爾等亦宜奉法

循理始終不違無負朕之委任欽哉故諭

龍駒却賀勅

宣德五年七月十七日

勅諭文武羣臣禮部言山西所進龍馬駒以爲瑞應
羣臣同上表賀朕自承大統孜孜夙夜期與
華夷同臻康太幸數年以來國家平寧歲屢
有收百姓粗安邊圉清肅此皆

天地

祖宗之佑羣臣贊輔之力方切敬慎惟懷永圖夫年
穀豐登生民給足仁賢効職四裔順服禮義
興於閭閻武備脩而不用此有國之上瑞也

朕與卿等共祗勉之一獸之異未足爲瑞其
止勿賀故諭

考察外官勅

宣德五年七月二十七日

皇帝勅諭行在吏部今天下府州縣官有賢能清正
忠君愛民超出羣類者亦有不才貪酷壞法
害民衆所怨惡者爾吏部卽行各布政司按
察司巡按監察御史令體訪明白賢能者從
實具名奏聞不才者各具所犯就差人管解
赴京務在公當毋或徧徇以昧是非之正欽
哉故諭

節假勅

宣德五年十一月二十六日

今海宇寧謐年穀豐登軍民安適庶幾治平
之世茲蓋冬至鴻臚寺奏文武百官節假三
日特命與假十日朕恭侍

聖母皇太后奉觴上壽百官給筵宴歸各飲酒爲樂
亦各愼德毋愆禮度用副朕與羣臣同適之
意欽哉遇有機務重事具本封進故諭

上元節假勅

宣德六年正月十四日

朕承

祖宗大位孳孳圖理夙夜惟勤上荷

天地

宗廟之佑羣臣協恭繼統以來邊境清寧五穀屢熟
比者

上天示象禎應荐昭嘉與臣民樂時康泰今上元節
令令京師張燈五城兵馬弛夜禁官員軍民
人等皆飲酒爲樂仍賜文武百官節假自正
月十四日爲始至本月二十五日遇機密重
事具本封進其各循禮度毋作愆過庶幾同
享太平之福欽哉故諭

元旦日食免賀勅

宣德七年正月初一

皇帝勅諭文武羣臣朕以菲德君臨萬姓期與天下
同樂治平肆夙夜孜孜欽崇天道庶伸昭事
嘉貺未臻比者欽天監言今歲正旦日有食
之夫日衆陽之宗也正旦一歲之首也上天
示警厥係匪輕朕祇存惕勵用誦天戒羣臣
同體所宜協恭其免今日朝賀爾文武羣臣
卽罷禮部護日如儀各罄乃誠欽哉毋忽故
諭

節假勅

宣統三年正月十四日

朕承大位荷

天地

祖宗之祐四方無事年穀屢登今上元節屆賜臣假十五日京師如例張燈五城兵馬弛夜禁臣民皆飲酒爲樂宜各循禮法不可流蕩無恥以取罪愆諸司亦不可大廢職事遇有機務具本來聞故諭

誅袁琦勅

宣德七年正月十九日

皇帝勅諭南京應天等府錦衣等衛并中都留守司及直隸衛所府州縣朕恭嗣

祖宗大位夙夜寅恭不遑暇逸誠以天下者

祖宗之天下軍民者

祖宗之軍民軍民安則天下治天下治而後有以仰

副

祖宗付託之重爰自臨御以來惟以安民爲心近者

犯人袁琦因隨侍日久授以內官監太監輒

敢肆其狡險欺瞞朝廷假幹公務爲由朦朧

差遣內官內使在外凌辱官員毒害軍民恣

肆兇殘貪暴狼籍所得金銀財物動以萬計

人不聊生含冤無訴所在有司坐視民患徒

懷兢惕默不敢言賴

天地不容神人共怒發其罪惡其袁琦等已明正典
刑身家俱滅已勅法司榜示天下勅至爾等
其體朕恤人之心務隆綏撫夫民者國之本
也代天理民者君爲國安民者臣爾等勉之
必使軍民皆安於下而無嘆息愁恨之聲庶
幾盡爾等之職而不負朕之委任爾等勉之
凡出差內官內使其寄附贓物在官員人等
之家許令出首歸官與免本罪若隱匿不首
事發與犯人罪同有投托跟隨內官內使所

幹辦公務其合用一應物件照例應付不許稽遲故諭

寬恤勅

宣統三年三月初一日

勅諭五府六部都察院衙門朕以菲德恭承

天命嗣

祖宗之大統夙夜惓惓思付託之重夫君國之道保民爲要當春時和萬物發生願念軍民有未得所祇體造化之仁爰敷懷保之政庶幾下人蒙福而有以仰答

天與

祖宗之心凡爾羣臣宜同朕心合行庶事勉務欽承
故諭

一近年百姓稅糧遠運艱難官田糧重艱難尤
甚至宣德七年爲始但係官田塘池不分古
額近額悉依宣德五年二月二十日勅諭恩
例減免中外該管官司不許故違

一各處軍民人等積年逃聚山林者本皆朝廷
赤子蓋因所司不能存恤肆行貪暴以害之
致其不得已爲偷生之計旣喪其家業栖栖
窮窘無所依歸甚可憐憫今悉宥其罪卽今

所在府州縣官用心招撫令歸復業其不願
歸本鄉者聽其所在有司入籍爲民給與荒
閑田地爲業免差役三年有司厚加撫恤以
副朝廷矜憫窮民之意有司官吏里老敢有
違者聽巡按監察御史按察司官體訪拿問
一各處逃移人戶自宣德六年四月以後回還
復業者其中係工匠站竈等役有司毋得輒
便勾擾自復業日爲始免其差役一年之後
生計已成方許赴役

一各處課稅因商賈阻滯鈔法加倍罰納今鈔

法頗通除正額外倍罰之數以十分爲率減三分塌房減五分南北二京不在此例候鈔法疏通再行定奪

一軍民有犯拖欠宣德五年桑穰柴炭蘆蓆者悉皆蠲免

一在京在外軍官旗甲有爲事停止俸糧者自今年三月爲始仍舊支給

一在京在外衛所軍士有陣亡傷故失陷及溺等項在營有母妻單身別無依倚者所在官司每月支米三斗養贍終身若查原籍有丁

勾取至營者住支

一自宣德五年以前軍官總小旗有爲事罷職役發總兵官處立功者悉復職役仍於立功之處聽總兵官調用原任都指揮以上兵部查勘具奏定奪原係真犯死罪免死發充軍者不在此例其宣德五年以前軍官旗校軍人犯罪見在做工運磚未完者悉宥之令復職役

一自宣德五年以前軍民有拖欠種馬當賠償者如係秋收豐熟去處許令納米賠償每馬

皇明言 卷之九
二十一
一匹納米十石就於附近軍民官倉交納不
係豐熟去處於今年秋收納米賠償

一緣邊軍士職專備禦邈年多有投托總兵鎮
守等官作家人及被役使種田生理等項有
一員占用數百人者兵部出榜禁約巡按御
史按察司官時常巡察違者具實奏聞

一在外文武衙門大小官員有貪虐無恥蠹政
壞法以致軍民受害者巡按御史按察司官
從實考察具實奏聞以憑黜罰果有廉幹循
良爲軍民興利除害者亦具名聞以憑獎勞

若徇私糾舉者罪之

一布政司按察司官及知府知州得其人則民安非其人則民受害該部往往徇私陞授不免賢否混淆自今布政司按察司官及知府知州有缺吏部行移在京三品以上官舉保及布政司按察司堂上官連名舉保必廉公端厚能識大體爲國爲民者吏部審其所保果當具名奏聞量授其職後犯賊罪并罰舉者及所保授官員如或有人指告其罪法司必先取問賊証明白然後具奏提問今後各

縣知縣吏部亦須選用得人不許一槩濫授
一各處有文學才行卓然出衆之士自三十五
歲以上令所在有司舉保送赴京師選用
一軍民之中有智謀才勇精於武略者令中外
文武臣僚詢察舉保赴京選用

一唐虞之世罰弗及嗣自洪熙元年五月以前
犯罪典刑者已屢經赦宥子弟中果有才行
文學聽舉保選用惟犯謀逆典刑者子弟不
係選用之例

一學校養賢才爲國之用學官宜嚴訓誨有司

宜勤勉勵風憲官時加考察務臻成效

一天下祀典神壇常須潔淨或有損壞所司隨
卽修理庶幾神用妥靈人用獲福

薦賢勅

宣統七年八月初九日

皇帝勅諭行在吏部夫致治之方用賢爲要事君之
道薦賢爲忠朕主宰天下思惟負荷之重必
得賢才共圖治理夙夜在念寢食不忘嘗勅
朝臣三品以上舉薦所知又出示招隱猗蘭
之作庶幾羣臣咸知朕意近惟一二廷臣有
舉薦其餘曠時積月不舉一人豈可無遺賢

欽定四庫全書
皇明宣德七年
諭
歟抑今中外所用皆得人與蓋典銓衡者之
怠忽也朕以求賢望理不徒視爲虛文孔子
曰十室之邑必有忠信況今天下之廣生民
之衆爾吏部卽令在京三品以上衆議推舉
有才行者有文學者具名來聞以憑推用不
許徇私濫舉塞責仍同都察院考察在外方
面有司官之昏懦不立貪暴無厭者具奏黜
罷之庶以副朕惓惓求賢圖治之意欽哉故

諭

嘉禾却賀勅

宣德七年八月十五日

勅諭文武羣臣今陝西進嘉禾蓋豐稔之祥又中外之地連產瑞瓜此皆

天地

祖宗之所垂佑朕曷克以致之而卿等歸德朕躬欲進表賀內自脩省歎焉於心其止勿賀朕夙夜孜孜圖惟生民之安以冀不忝

天地

祖宗付畀卿等皆體朕之誠勉盡厥職上以益君之德下以厚民之生戒乃玩愒務圖實功庶副朕之委任欽哉故諭

節假勅

宣德八年正月初一日

皇帝勅諭文武羣臣今國家寧謐邊境無虞時和歲豐軍民樂業庶幾小康斯皆

天地

祖宗眷佑亦爾文武羣臣贊輔所致茲歲事肇新上元節近正當共樂太平自正月初一日爲始賜百官節假至本月二十五日遇機務重事具本封進官員除齋戒外餘日及軍民人等悉聽飲酒爲樂京師如故事張燈五城兵馬弛夜禁尙各循禮度用副朕懷有因而生事

者罪之故諭

戒諭朝覲官員勅

宣統八年正月十三

皇帝勅諭天下朝覲官員朕承

祖宗大位統御天下惓惓夙夜惟在安民故屢降璽
書敷布仁澤所冀黎庶悉遂其安然今布政
司按察司府州縣等官有賢否凡命令之下
有敬謹奉行者亦有恬不經意視爲虛文者
朕雖切於愛民而民不得咸被其澤自今宜
悉務忠勤體朕恤民之心凡職事所當爲者

母怠母忽庶幾稱朕設官養民之意如不悛
前過或貪虐縱肆

祖宗大法具在朕不爾貸欽哉故諭

寬恤詔

宣德八年四月十五日

奉

天承運

皇帝詔曰朕以菲德恭嗣

天位統馭兆民夙夜惓惓圖惟安利今畿內河南山

東山西自春及夏雨澤不降人民饑窘朕甚

惻焉夫

上天降災厥有攸自其政事之有缺歟刑罰之失中
歟徵斂之頻繁歟撫字之不得人歟永念其
咎內疚於心思惟感通之道必廣寬恤之仁
庶

上天鑑之旋災爲福所有合行事宜逐一條列故茲
詔示咸使聞知

一南北直隸府州縣并河南山東山西三布政
司凡災傷去處人戶自宣德七年十二月以
前拖欠稅糧戶口鹽糧及官軍屯種子粒悉
皆停徵其拖欠各色課程并各衙門見坐派

買辦採辦諸色物料顏料等項及虧欠孳收馬騾驢牛羊牲口悉皆蠲免仍免其今年夏稅軍民乏食者所在官司驗口給糧賑濟如官無見糧勸率有糧大戶借貸接濟待豐熟抵斗酌還

一被災之家優免一應差役一年官吏里老用心撫恤毋令失所

一戶部禮部工部等衙門遞年坐派各處買採諸色物料顏料藥料香料金銀箔油漆等項及茶臘桑穰糖蜜牲口乾魚一應廚料并造

辦果品等項但係宣德六年十二月以前拖欠未完者悉皆蠲免

一各處進納加賠商稅課鈔除納完外但係宣德五年十二月以前拖欠者悉皆蠲免宣德六年至七年終拖欠者減半

一各都司衛所并大僕寺苑馬寺該追倒死虧欠騎操孳收馬騾牛羊驢匹但係宣德七年十二月以前悉皆宥免

一後軍都督府及工部軍衛有司採運柴炭蘆葦但係宣德六年十二月以前拖欠未完者

皇日言今
悉皆蠲免

一戶部遞年坐派軍衛有司荻青草束但係宣德六年十二月以前拖欠並照例折鈔者悉皆蠲免

一工部坐派各處採運木植其見在山場堆垛者令所在官司如法苫蓋毋致損壞見在水次者陸續起運前來

一法司及各處見追犯人金銀段疋及米鈔草束竹木等項除正贓不宥外其倍罰及追賠者俱減一半徵收草束浥爛及延火燒者宥

免

一各處抄造紙劄及一應買辦但係宣德六年十二月以前拖欠未完悉免

一各處遞年拖欠稅糧但係宣德四年十二月以前悉皆停徵

一宣德六年十二月以前各處拖欠課程鹽課者悉皆蠲免

一在京在外都指揮千戶百戶鎮撫旗軍有住支俸糧者詔書到日照舊關支

一直隸令巡按御史在外令按察司審察軍民

一各處近設撫民官本爲安民自赴其任並無
上言民情利病者且聞於民無益有損詔書
至日悉回還吏部如其中有清廉幹濟舊官
所不及者許令親臨上司保畱在任起送舊
官回還吏部仍具奏聞

一朝廷差去內外官員人等務要體朕愛民之
心謹守禮法不許在外生事需索百端擾害
軍民今後敢有違者從巡按御史按察司具
實奏聞處以重罪坐視不言者同罪

脩省勅

宣德八年四月十六日

皇帝勅諭五府六部都察院朕嗣大位以來夙夜孜孜以安養斯民爲心屢下矜恤之令蠲逋負寬刑獄選用牧守賑恤無靠惟恐下人有未得所而比者南北直隸及河南山東山西並奏春夏不雨麥苗焦槁穀種不生老稚嗷嗷困於饑饉流亡散徙甚可矜憐夫災祥之興皆由人致朕存兢惕誠切於心已詔中外覃敷寬政爾等在廷文武之臣皆受付托之重宜同朕之休戚詔條所列恪遵行之必誠必信毋或違慢經云民惟邦本本固邦寧卿等

其篤國家經遠之慮毋苟且玩愒蓋事君之忠莫先保民若削下以求達取人以自肥明有國憲幽有神罰其敬之哉其慎之哉故諭

恤刑勅

宣德八年六月二十日

皇帝勅諭天下都司布政司按察司巡按監察御史所屬衛所州縣朕於刑獄念人命至重矜恤之心夙夜孜孜今天氣炎熱已勅在京法司凡獄囚除眞犯死罪監候其餘所犯隨時開理發落不許淹滯其有情輕提人待對及照勘者聽其親隣知識人等保領在外聽候庶

副朕欽恤之心若保領在外脫逃者處以重
罪爾等尤宜秉廉正之心不許濫刑以枉無
辜亦不許貪賄以廢公法欽哉故諭

訓飭京官勅

宣德八年七月二十日

皇帝勅諭五府六部都察院大理寺等衙門朕以菲
德嗣承

天位夙夜惟寅恪守

祖宗之法用熙庶績用撫兆民亦惟以文武羣臣是
匡是弼凡爾羣臣亦皆

祖宗獎拔以遺朕者宜同心協恭期務康濟庶幾不

負

祖宗之托今在廷典銓選掌兵政司錢穀理刑獄董
繕作之臣固有秉正直守法度以副委任者
亦有苟徇私情不率公道是非失當請託四
行違越禮法怠廢職事致下譏議洋洋上聞
有臣若斯其將誰托自今宜省躬知過洗滌
舊染勉圖自新庶長保祿位光輔予治如執
迷弗悛則

祖宗之法具存必不汝貸汝惟欽哉故諭

恤刑勅

宣德八年八月十八

皇帝勅諭刑部都察院大理寺朕體

上帝好生之心惓惓夙夜惟刑是恤今爾等處
決天下重獄夫犯者既皆在外但憑所
具之詞卽行處決其詞寧無虛飾者乎
人命至重死卽不可復生其遣的當官
分臨各處同三司巡按監察御史及府
州縣公同詳細審實若情犯深重果無
冤枉聽從處決如情有可矜獄有可疑
及審異不服者仍監候具

奏與之辯理切不可輕率致人冤抑愼
之愼之故諭

恤軍勅

宣德九年三月初一

日

皇帝勅諭天下按察司及巡按監察御史朕惟
兵政

國家重務

祖宗以來於撫恤軍士整飭兵備皆有成法朕
屢戒中外武臣令守法愛軍近者內外
都司衛所管軍官員全不用心整治惟

務貪賄以肥身家凡有征差則差貧賣
富有徵辦則倍加需索又有多佔伴當
或包納月錢縱放買賣或以答應上司
爲由勒除月糧或指操備色名尅減布
花生事科擾千端萬狀以致軍士窘於
衣食妻子不能管顧不得安身累累逃
竄其該管都司及親臨風憲官明知軍
士被害縱容不舉甚者與不才軍官交
結受其賄賂又有遞年勾軍違限官旗
在外恣肆非爲已

勅各處風憲督察挨拿至今不見獲解
是致奸頑得志軍伍空缺兵政不脩莫
此爲甚茲特

勅諭爾等其前所縱容之罪姑記不問
自今凡分巡所歷去處務要嚴加詢察
遇有貪虐害軍及勾軍違限官員人等
就便擒拿問解仍將解過犯人罪名類
本具

奏如或仍前坐視縱惡長奸事發一體處
以重罪不饒故諭

憫災勅

宣統九年八月二十一日

皇帝勅諭巡撫侍郎于謙及河南都司按察司巡按
監察御史朕撫恤兵民惟圖民安夙夜在念
孜孜不忘今聞歷夏不雨亢旱爲災農畝雖
種無獲者多朕甚憫之勅至爾等同衛所府
州縣官躬詣田畝踏勘如果係災傷卽具實
奏聞就將本年官民田地秋糧及屯種子粒
以十分爲率俱免四分爾等宜十分用心提
督整理不可怠忽如避遠之處爾等不能遍
歷聽各委廉潔官員前去踏勘務在的實以

恤民隱庶副朕心然近年各處奏災傷者其
衛所府州縣官吏多有附下罔上誣熟爲荒
一槩陳奏以圖免爾等其深戒欺弊嚴督所
屬必審驗其真實毋爲欺謾若仍蹈前非在
後再遣人覆視不實爾等及府州縣衛所官
吏里老旗甲人等俱處以重罪不恕其愼之
愼之故諭

恤災停止物料勅

宣德九年九月二十

一日

皇帝勅諭南京直隸應天蘇松等府州縣水旱蝗蝻

災傷之處人民缺食好生艱辛但是工部派辦物料卽皆停止待豐熟之時辦納其不係災傷之處所辦物料令陸續辦納不許逼迫差去催辦官員人等除催造修海船物料外其餘悉令回京不許遷延在外擾民違者論罪不恕爾等其體朕恤民之心欽哉故諭

寬恤勅

宣德九年十月二十四日

皇帝勅諭巡撫侍郎周忱及巡按監察御史并南京江南直隸衛府州縣比聞直隸亢旱兵民饑窘良用惻然今將寬恤事件特勅頒示爾等

皇明言令卷之九
其欽承朕命毋怠故諭

一被災傷之處人民乏食爾等卽委官前去所
在官倉量給米賑濟毋得坐視民患

一被災府州縣今年該兌運起運臨清南京等
倉糧米俱於本處存畱備用原定南北二京
光祿寺等衙門供應之數及折色布絹絲綿
等項仍照原定起運了納

一被災府州縣該兌運起運臨清等倉糧米俱
於南京倉收

一宣德十年僭運糧儲每年於淮安徐州支運

一十五石赴京并通州中半上倉

一各府州縣逃移人戶其遞年拖欠并見徵糧草爾等卽同府州縣堂上官從實取勘見數俱令停徵仍設法招撫其復業者蠲免糧差一年

一各府州縣有全家充軍并死絕人戶遺下田地爾等卽同府州縣堂上官從實取勘見數召人佃種如係官田不分古額近額俱照民田例起科其遞年拖欠稅糧草束免徵

一各府州縣見收稅課及車船門攤地畝果木

皇明言令 卷之九
三十八
等項一應鈔貫除徵額外但有鈔法增加之數以十分爲率俱免四分

一各處軍民有遞年倒死馬騾驢牛羊該納皮張等項自宣德九年十月二十一日以前拖欠悉皆蠲免

寬恤勅

宣德九年十月二十四日

皇帝勅廣西都司布政司按察司及巡按監察御史勅至爾等卽將所屬府州縣全家充軍并死絕人戶遺下田土從實取勘見數召人承佃如係官田不分古額俱照民田例起科其遞

年拖欠糧草免徵各府州縣見收稅課及車
船門攤田畝果木等項一應鈔貫除正額外
但爲鈔法增加之數以十分爲率俱免四分
凡有逃移人戶其遞年拖欠并見徵糧草爾
等卽同府州縣堂上官從實取勘見數俱令
停徵仍設法招撫其復業者蠲免糧草差發
一年其軍民有遞年倒死馬騾驢牛羊該納
皮張鬃尾筋角贓價鈔并長生該納羊自宣
德九年十月二十一日以前拖欠者悉皆蠲
免爾等其欽承命毋怠故諭

弛役勅

宣德十年正月初一日

勅襄城伯李隆及工部凡採辦買辦及打造下西洋等處船木植一應物件并營造物料悉皆停罷軍夫匠役人等當放者悉皆放回其差去一應內外官員人等即便回京不許托故稽遲其沿河運來木植悉於所至去處堆垛苦盖畢日運夫放遣寧家官員回京違者重罪不恕故勅

停止採捕勅

宣德十年正月初三日

勅南京巡按直隸監察御史及衛府州勅至凡採辦

買辦物件并打造海船木植物料等項營造
物料悉皆停罷一應製造海味菓品食物等
項及打捕禽獸虫魚花木等物悉皆停止如
已製造捕在官者就令差去人員管領回京
未完者悉皆停罷朝廷差內外官員人等卽
便回京不許托故稽遲違者治以重罪其起
集營造軍夫卽時放回故諭

遺詔

宣德十年正月初三日

奉

天承運

皇帝詔曰朕以菲德獲嗣

祖宗大位兢兢夕惕懼弗克負荷蓋今十有一年矣
而德澤未洽於天下心恆愧之比者遘疾日
臻彌篤夫死生常理修短定數惟不能光承
列聖之洪業終奉

聖母皇太后之養中心念之雖沒弗寧長子皇太子
祁鎮天性純厚仁明剛正其嗣皇帝位在廷
文武之臣協心輔佐務以安養軍民爲本母
作聰明以亂舊章凡國家重務皆上白

皇太后皇后然後施行中外大小臣僚各敬乃職效

忠事君母忝

朝命喪制悉遵

皇考洪熙元年五月遺詔母改山陵一務儉約宗室
親王藩屏任重謹守封國各處總兵及鎮守
官整肅兵務嚴固封疆各都司布政司按察
司并巡撫巡按官及衛所府州縣悉心盡力
安撫軍民皆勿擅離職赴京進香悉令佐貳
幕職或遣官代行兩廣四川雲南貴州七品
以下衙門並免進香故茲詔諭咸使聞知

皇明詔令卷之九



